

رسالة إلي تارك صلاة الفجر - شريف علي

شريف علي

كتاب انزلناه اليك مبارك ليدبروا آياته وليتذكر اولو الالباب بسم الله والحمد لله والصلاة والسلام على رسول الله صلى الله عليه وسلم رب اشرح لي صدري ويسر لي امري واحلل عقدة من لساني يفقهوا قولي. يقول النبي صلى الله عليه وسلم ما اجتمع قوم في بيت من بيوت الله يتلون كتاب الله - [00:00:06](#)

ويتدارسونه فيما بينهم الا نزلت عليهم السكينة وغشيتهم الرحمة وحفتهم الملائكة وذكرهم الله فيمن عنده قال صلى الله عليه وسلم ما اجتمع قوم يذكرون الله الا ونادى مناد من السماء - [00:01:08](#)

ان قوم مغفورا لكم قد بدلت سيئاتكم حسنات وقال صلى الله عليه وسلم من سلك طريقا يلتمس فيه علما سهل الله له به طريقا الى الجنة اللهم لك الحمد ان احنا بنجتمع فيه - [00:01:25](#)

المجلس المبارك ده مجلس تحفه الملائكة تنزل عليه السكينة وربنا سبحانه وتعالى يذكرنا في الملائكة تقول قوموا مغفورا لكم قد بدلت سيئاتكم حسنات فاللهم لك الحمد اللهم لك الحمد. فالانسان يشكر ربنا سبحانه وتعالى ان ربنا يبيسر له الطاعة - [00:01:39](#)

وان ربنا بيقيمه على مراده سبحانه وتعالى فنشكر ربنا يا جماعة على النعمة العظيمة دي وندعي ان ربنا يديم علينا النعمة اللهم لك الحمد. آآ زي ما كنا بنقول على طول ان انت بتيجي هنا مش بشطارتك. ده بتوفيق من ربنا سبحانه وتعالى. توفيق من ربنا - [00:02:00](#)

اه حتى يعني اهل الجنة بيقولوا ايه لما يدخلوا الجنة؟ وقالوا الحمد لله ايه؟ الذي هدانا لهذا ما كنا لنهتدي لولا ان هدانا الله. اللهم لك الحمد. آآ في درس امبارح كنت المفروض مكمل في سلسلة آآ شرح آآ - [00:02:21](#)

اه حديس توبة سيدنا كعب بن مالك. لكن الكلام خدنا وكنا بنتكلم عن اه موضوع مهم. فالدرس كله خد الموضوع ما كملناش الحديس فاحنا ان شاء الله النهاردة هنتكلم في نفس الموضوع. آآ وبازن الله الدرس اللي جاي هنكمل في سلسلة آآ حديس توبة سيدنا كعب بن ما لك رضي الله - [00:02:41](#)

الله اعلم موضوع النهاردة بقى محتاج كده تركيز كده ونصحصح مع بعض كده ان شاء الله بسم الله صلوا على النبي عليه الصلاة والسلام اه من اعظم العبادات من اعظم العبادات - [00:03:01](#)

من احب العبادات الى الله سبحانه وتعالى هي الصلاة واحنا لما بنسمع احنا هنتكلم عن الصلاة بنحس ان الموضوع ايه ايوة اه الصلاة يعني وكأن الصلاة دي بقت حاجة كده ايه - [00:03:19](#)

حاجة على الهامش يعني. كثير من المسلمين اغلب المسلمين ما بيصلوش الفجر كثير جدا من الشباب ما بيصلوش خالص فلما تيجي لما مسلا انا نزلت مسلا للناس اللي في الدرس مسلا في درس الخميس اه كثير جدا من الشباب هو عارف ان هو ما بيصالحش يصلي الفجر - [00:03:34](#)

يعني هو بيحضر الدرس ونفسه يحافظ على الصلاة ونفسه يلتزم لكن ما بيصليش ما بيصليش في المسجد بآخر الصلاة يا اما بيضيع الصلاة تماما يا اما محافظ على الصلاة بس ما بيصليش الفجر - [00:03:56](#)

فقلت ان ضروري ان احنا نتكلم عن اهمية صلاة الفجر. نتكلم عن صلاة الفجر عامة. فارجو كده ان الناس ايه يعني تركز معنا كده آآ يا جماعة ترك ترك صلاة الفجر يعني للأسف في نوعين من الناس في ناس - [00:04:10](#)

آآ هي اصلا بالنسبة لها مش عارفة ميعاد الفجر يعني هو فاكر ان الفجر ده بيتصلى الصبح عادي يعني هو صاحي الساعة ثمانية الصبح ولا الساعة تسعة الصبح عادي قبل ما ينزل بيصلي ركعتين وهو نازل الجامعة وهو نازل - [00:04:28](#)

نازل المدرسة وهو نازل الشغل وهو اتعود على كده واتربى على كده وما فيش مشكلة. يعني البيت نفسه ما ترباش ان وقت الفجر ده وقت مقدس ان احنا بنصحى له. فاهمين؟ فهو بيصحى ايه؟ بيصحى المدرسة الساعة سبعة الصبح. ممكن امه بتقول له صلي فيصلي - [00:04:41](#)

ركعتين وهو نازل الجامعة وهو نازل الشغل فخلاص اتعود على كده. لدرجة ان في كثير من المسلمين هو اصلا ما يعرفش ان الفجر المفروض بيتصحى له يعني يعني هو له وقت محدد. بعد الوقت ده بيبقى بيصليه ايه؟ قضاء. يعني هو - [00:04:57](#)

هو الوقت من ساعة الفجر لحد شروق الشمس. آآ انت ممكن تحس ان المعلومة دي ايه بالنسبة لك يعني آآ انت بتتكلم في ايه؟ فعلا في كثير كثير جدا من الشباب هو لما - [00:05:14](#)

انت لازم تصحى تصلي الفجر وهو بيتفاجى بيتفاجى ان وقت ايه ده يعني انا لو ما يعني ما ينفعش اصله الساعة ثمانية الصبح لأ انت هتصليه الساعة ثمانية الصبح بس ده ايه انت كده عملت كبيرة من اكبر الكبائر - [00:05:24](#)

يقول لك ايه كبيرة من اكبر الكبائر هو مش مستوعب ان هو حجم الذنب بتاع تأخير الصلاة او ان انا سبت الصلاة لحد ما وقتها خرج زي ما هنتكلم دلوقتي. فده اول نوع - [00:05:36](#)

اللي اصلا مش عارف. يعني انا بتكلم مع واحد صاحبي قبل كده. فبقول له انت ما بتصحاش الفجر ليه؟ بيقول لي ما انا بصلي الساعة آآ سبعة الصبح قبل المدرسة - [00:05:49](#)

فقلت له ابوة انت لازم تصحى تصلي في وقت الفجر. قال لي بجد والله. هو بيتكلم بجد هو فعلا ما يعرفش. يعني من يوم ما هو حافظ على الفجر يعني من يوم وهو بيصحى يصلي الفجر - [00:05:59](#)

كثير من المسلمين ما يعرفوش. فيا جماعة صلاة الفجر لها وقت محدد لها وقت محدد من من طلوع الفجر الى الشروق. بعد كده بيبقى انت بتصلي قضاء ماشي فده اول نوع اللي هو اصلا مش عارف. فيه نوع ثاني هو عارف ان هو المفروض يصحى يصلي الفجر - [00:06:09](#)

لكن هو بالنسبة له العبادة مش اولوية يعني مش مهتم قوي ان هو يصلي. زي كثير من شباب في الجامعة الاقي مسلا حد من الشباب بيحكى لي بيقول لي انا كنت قاعد مع صاحبي فبقول لواحد بقول لهم تعالوا صلوا - [00:06:29](#)

واحد راح قايل لي لأ انا ايه لأ مش جاي. ما ليش مزاج ما ليش مزاج اصلي. وهو رفض العبادة. رفض ان هو يسجد لله ففي واحد هو اصلا ايه هو انا اصلا مش عايز مش مهتم ان انا اصحى واتعب نفسي واصلي الفجر وانزل في المسجد. هو بالنسبة له موضوع العبودية ده ايه - [00:06:44](#)

يعني مش من الاولويات وفي واحد تالت هو عارف ونفسه يحافظ على الصلاة يعني عارف فضل صلاة الفجر وعارف ان فيه عقوبة على ترك الصلاة او تأخير الصلاة او جمع الصلوات بغير عذر. هو عارف الكلام ده لكن - [00:07:08](#)

مش عارف مش عارف يحافظ على الفجر. بيضيع الفجر برضو يعني لما تيجي كده تقيم نفسك الاسبوع اللي فات الشهر اللي فات لما كان الجو برد شوية كده في الاسبوع اللي فات ده - [00:07:25](#)

آآ كم فجر صليتوا في المسجد البنات كم فجر صليت الفجر في وقته اه هتلاقي انت في كثير مننا الا من رحم الله. كثير مننا بيأسر في الموضوع ده في صلاة الفجر. واحنا ما بتكلمش في حاجة اللي هي ايه؟ يعني يعني حاجة ممكن الواحد يأسر فيها عادي كده - [00:07:37](#)

ده احنا زي ما هنتكلم دلوقتي ان دي من اكبر الكبائر عند ربنا سبحانه وتعالى الانسان يترك الصلاة او ان هو يتعمد اخراج الصلاة عن وقتها من غير عزز فالعمر خطير يا جماعة - [00:07:57](#)

فلما تيجي كده تبص كده على حجم الصلاة في الشرع حجم يعني عارف لو واحد عنده مسلا ايه خيمة عمل خيمة كده كبيرة الخيمة

دي بيبقى في عمود في النص العمود ده اسمه ايه؟ فسطاط - 00:08:09

بوستات ده هو اللي شاييل الخيمة كلها فلما تيجي تشوف حجم الصلاة في الشرع الصلاة هي العمود اللي في النص ده هي اللي شاييلة الاسلام شاييلة الدين بتاعك فلما العمود ده يقع يضرب - 00:08:26

ايه اللي بيوقع الدين كله يعني احنا ما بنتكلمش عن حاجة مسلا من الحاجات اللي هي ايه الكماليات او مسلا حاجة تحسينات زيادة لا لا ده انت نتكلم في حاجة اللي هي اساس الاسلام - 00:08:41

فلما تيجي تبص تلاقي كتير من المسلمين بيضيع الصلاة انت معدي من قدام المسجد في وقت صلاة العشاء اه وتلاقي ناس شباب واقفين قدام سنتر دروس ولا حاجة ما حدش بيصلي - 00:08:58

ما حدش بيصلي. تنزل الشارع في وقت صلاة الفجر المساجد فاضية تنزل بس بعدها بساعتين هتلاقي الدنيا ايه اللي رايح الجامعة واللي رايح المدرسة والناس منطلقه في الحياة طب ما الناس بتتحرك اهي - 00:09:12

طب المساجد فين؟ فين الناس؟ فين المصلين مين يا جماعة دلوقتي من الشباب يعني كام واحد تعرفه اصحابك ما بيصليش بلاش صحابك في العيلة في البيت عندك في قرايبك فموضوع الصلاة احنا محتاجين نعزمه محتاجين نتكلم عنه محتاجين ننصح الناس اللي حوالينا - 00:09:25

لان الموضوع خطير فاول حاجة احنا قلنا في نوعين من الناس النوع الاول هو الانسان اللي اصلا ما يعرفش ان هو محتاج يصحى يصلي الفجر فده بنقول له ان الفجر له ميعاد. فانت محتاج ان انت تزبط المنبه - 00:09:47

وتزبط حياتك على الفجر اه ثاني واحد اللي هو اصلا هو ايه؟ هو مش عايز يصلي. ثالث واحد اللي نفسه بس مش عارف. ماشي؟ اه جماعة الصحابة كانوا بيشفوا اللي بيبترك الصلاة او ترك صلاة الجماعة وصلاة الفجر ده منافق - 00:10:00

ده منافق. يعني شوف اه كان من علامات النفاق عند النبي عليه الصلاة والسلام ترك صلاة العشاء وصلاة الفجر. في حديث ابي هريرة رضي الله عنه حديث في البخاري. قال قال النبي صلى الله عليه وسلم - 00:10:23

ليس صلاة اثقل على المنافقين من الفجر والعشاء يعني اتقل صلاة على المنافقين ايه؟ صلاة الفجر والعشاء. طب اشمعنى الفجر والعشاء؟ افتركوا ليه كده؟ الدنيا ضلمة ما حدش هيشوفهم فهو بينزل ممكن الظهر والعصر والمغرب في نور والناس هتشوفه كده لكن فجر وعشا ما فيش نور فما حدش هيعرف - 00:10:38

فالصلاة ثقيلة عليه. فلما تحس ان صلاة الفجر ثقيلة علينا دي علامة من علامات النفاق قال تعالى واذا قاموا الى الصلاة ايه قوموا كسالى قوموا كسالى فمن علامات النفاق ان الانسان يكسل عن الصلاة - 00:11:04

فالانسان يحذر من الامر ده يعني النبي عليه الصلاة والسلام قال ليس صلاة اثقل على المنافقين من الفجر والعشاء. ولو يعلمون ما فيهما يعني ما فيهما من الثواب والفضل لاتوهما ولو حبوا - 00:11:22

تعال ابص ايه هسألك سؤال آآ ايه الحاجة اللي ممكن تخليك تنزل تزحف في الشارع؟ اه يعني ايه الحاجة اللي ممكن عشانها آآ لو انت هنفترض ربنا يعافينا انت عاجز عن المشي - 00:11:36

ماشي انت عاجز عن المشي ايه الحاجة اللي ممكن تخليك تنزل تزحف في الشارع حاجة محتاجة جدا ماشي طيب لو حاجة مش محتاجها مش شرط تكون حاجة محتاجها لو انا مسلا قلت لك - 00:11:52

ان انت مسلا ايه على بعد مية متر من بيتك في شنطة فيها مليون جنيه واللي هيوصل لها هياخذها هتبقى بتاعته وانت ما بتمشي هتعمل ايه ها ده واحد يقول مش هينزل ده راجل زاهد في الدنيا ما لناش دعوة به. انا مش هوصل اصلا. لا خلاص يعني هنفترض ان

انت الوحيد اللي عارف. لو احنا قلنا ان في شنطة على بعد البيت - 00:12:05

بعد بعد ميت متر من بيتك وانت او بلاش انت يعني ربنا يعافينا واحد ما بيقدرش يمشي ماشي فهنعمل ايه؟ لو لو الوضع ده احنا مكانه هنعمل ايه؟ هتزعف ولا مش هتزعف؟ هتنزل تزحف ولا لا - 00:12:38

فكر كده هخلي حد يسندني بعشرة جنيه. هتاخذ مليون جنيه وتدي له عشرة جنيه؟ هو ما يعرفش انها مليون. خلاص ما فيش حد

غيرك. اه يعني انا ما فيش حد - [00:12:54](#)

غيرك ومش معك تليفون بلاش يا عم خلاص يا عم الغي يا عم الدرس ده يا عم ناس في درس امبارح اتعزوا بصراحة. يعني كانت موعزة كويسة. فانا حبيت ان هي اقولها تاني يمكن تمشي معكم. لكن واضح ان ما لهاش العيال اول لما - [00:13:05](#)

قلت لهم الشنطة فيها قال لي لو فيها مية الف جنيه يا باشا انا هنزل زحف على طول. آآ ماشي؟ تخيل كده ان تخيل واحد نازل بيزحف زحف كده في الشارع - [00:13:25](#)

ايه ايه الحاجة اللي ممكن تخليه ينزل يسحب في الشارع؟ صلاة الفجر ما تمتش الكلام ده يعني سيبه كده ايه عشان يعني هو علاء جاي النهاردة ايه ما يروش علينا - [00:13:39](#)

ها انا بس انا بس بقول الكلام ده ليه؟ عشان تستوعب الحديث. انا عارف ان احنا كلنا حافزين حديث. لو يعلمون ما في العتمة والصبح لاتوا وهم ايه؟ حبوا. ولو حبوا - [00:13:55](#)

بس عايزك تفكر كده. ايه فكر كده لمدة ثلاثين سنة. ايه الحاجة اللي ممكن تخليك تنزل تزحف في الشارع؟ فخر العقل حاجة يحس بمتعة. ماشي. الحاجة اللي تخليني يعني عندي دافع ان انا اروح لها. فان انا عاوز اصلا قيمة الحاجة دي. يعني مليون جنيه. فلوس.

المليون جنيه دي انا عارف قيمتها. ايوا انت عارفها. لو يعلمون - [00:14:08](#)

بس حاجة مش هتتعوض تاني. بعد صلاة الفجر صلاة العشاء اكل كتير مسلا اه. لو انا عارف قيمة الحاجة دي فعلا بجد وعارف غلاوتها هروح لها جميل الشاهد ان النبي عليه الصلاة والسلام بيقول ان المنافقين بيتغيبوا عن صلاة الفجر والعشاء. ولو يعلمون ما فيهما يعني

ما فيهما من الثواب والفضل - [00:14:26](#)

آآ السؤال بقى انت مصدق النبي عليه الصلاة والسلام تصدق؟ تصدق صح؟ عليه الصلاة والسلام طب ما بتصلش ليه؟ ما بتنزلش

تصلي الفجر في المسجد ليه؟ لو انت مصدق ان فيه ثواب انت لو تعرف الثواب ده لو انت متخيل حجم الثواب اللي - [00:14:50](#)

موجود في صلاة الفجر وصلاة العشاء هتنزل ايه زحف زحف فالامر عظيم ولو يعلمون ما فيهما لاتوهما ولو حبوا قال صلى الله عليه وسلم ولقد هممت ان امر المؤذن فيقيم الصلاة يعني ثم امر رجلا يؤم الناس او يؤم الناس - [00:15:08](#)

ثم اخذ شعلا من نار فاحرق على من لا يخرج الى الصلاة بعد يعني تخيل تخيل هو النبي عليه الصلاة والسلام قال الكلام ده ليه يعني دي عشان تتخيل حجم الجريمة الواحد ما بيصلش - [00:15:31](#)

جريمة ان واحد ما بيصلش يعني ايه واحد ما بيصلش يعني ايه ما بيسجدش لله يعني خايفين الهدهد الودود بيقول بيقول ايه الا يسجدوا لله. هي الناس دي آآ اني وجدت امرأة تملكهم واوتيت من كل شيء. ولها عرش عظيم. وجدت - [00:15:51](#)

وقومها يسجدون للشمس من دون الله ازاى بيسجدوا للشمس وزين لهم الشيطان اعمالهم فصدهم عن السبيل فهم لا يهتدون الا

يسجدوا لله الهدد متعجب. هو فيه حد ما بيسجدش ده ده اللي ما بيسجدش ده ما بيسجدش ليه - [00:16:11](#)

ما بيعبدش ربنا ليه ده؟ الا يسجدوا لله فهنا كأن النبي صلى الله عليه وسلم ببشدد على الناس ان عشان تفهم حجم الجريمة دي.

حجم انسان يتخلف عن الصلاة ماشي؟ ولا حول ولا قوة الا بالله. الحديث في البخاري واثر ده جميل جدا في مسلم عن ابن مسعود رضي الله عنه. عايز - [00:16:32](#)

عايزك بس تسمع الكلام ده وتخيل ان مين اللي بيقوله سيدنا عبدالله بن مسعود سيدنا عبدالله بن مسعود وهو من هو؟ ابن مسعود رضي الله عنه قال رضي الله عنه من سره ان يلقي الله غدا مسلما - [00:16:54](#)

فليحافظ على هؤلاء الصلوات حيث ينادى بهن ماشي؟ فان الله شرع لنبيكم سنن الهدى وانهن يعني هذه الصلوات من سنن الهدى ولو انكم صليتم في بيوتكم كما يصلي هذا المتخلف متخلف اللي هو ايه - [00:17:11](#)

متخلف عن الصلاة عن صلاة الجماعة لتركتم سنة نبيكم ولو انكم صليتم في بيوتكم كما يصلي هذا المتخلف لايه لتركتم سنة نبيكم

ولو تركتم سنة نبيكم لايه لزللت فضلته. شف الكلام - [00:17:33](#)

وما من رجل يتطهر فيحسن الطهور ثم يعمد الى مسجد من هذه المساجد الا كتب الله له بكل خطوة يخطوها حسنة ويرفعه بها درجة

ويحط عنه بها سيئة تخيل لو هنفترض ان بين البيت بتاعك وبين المسجد مسلا ايه؟ ميت متر. ميت متر. بتاخذ المتر مسلا في قد ايه - [00:17:54](#)

لا مش خطوات يعني كم خطوة مسلا خطوتين خطوتين فالمية متر فوانت رايع يعني دول متين خطوة فمتين خطوة يعني بتاخذ ايه؟ متين حسنة متين حسنة وترفع ميتين درجة وتحط عنك متين خطيئة - [00:18:24](#)

لو انت رايع وانت راجع نفس الكلام متين متين خطوة. طب لو المسجد ابعد؟ عشان كده ابو هريرة قال ايه قال اكثرهم اجرا ايه ابعدهم دارا فقالوا لم يا ابا هريرة قال من اجل كثرة الخطى. بيمشي كتير - [00:18:45](#)

فبياخذ سواب كتير النبي عليه الصلاة والسلام قال لبني سلمة وبني سلمة يا بني سلمة دياركم تكتب اثاركم لما كانوا عايزين ينتقلوا بالقرب من المسجد ان الخطوات دي وانت ماشي في الطريق دي الاثار الاقدام بتاعتك وانت رايع المسجد خطوة تحط حسنة خطوة ترفعك درجة خطوة تحط سيئة - [00:19:04](#)

خطوة تكتب لك حسنة متخيل الثواب والفضل لما يدخل المسجد وهو محافظ على الطهارة والوضوء مجرد بس ما هو دخل من باب المسجد كده تبتدي الملائكة تدعي له اللهم اغفر له - [00:19:28](#)

اللهم ارحمه اللهم صل عليه اللهم تب عليه تخيل الملائكة قاعدة تدعي للشخص طول ما هو قاعد في الصلاة ما لم يؤذي فيه ما لم يحدث فيه ولا يزال احكم في صلاة ما انتظر الصلاة - [00:19:43](#)

يعني طول ما هو قاعد في المسجد غير ان الملائكة بتدعي له تستغفر له بتدعي له بالتوبة وبالرحمة ويبقى قاعد كده كانه بياخذ ثواب اللي بيصلي ولا يزال احكم في صلاة منتظر الصلاة - [00:20:00](#)

طول ما هو قاعد منتظر الصلاة. لو هو قاعد مسلا من المغرب للعشاء ينتظر الصلاة فالفترة دي كلها لو ما حافظش فيها على الوضوء وعلى الطهارة كانه واقف بيصلي متخيل الثواب والفضل - [00:20:15](#)

فابن مسعود بيقول ثم يعمد الى مسجد من هذه المساجد الا كتب الله له بكل خطوة يخطوها حسنة ويرفعوا بها درجة ويحط عنه بها سيئة. يا جماعة احنا في اليوم بنعمل زنوب كتير. يعني النبي عليه الصلاة والسلام شبهنا ان احنا بنحترق - [00:20:29](#)

ولا تحترقون تحترقون فاذا صليتم الظهر ايه غسلتها يعني عايزك تتخيل اشمعنى قال تحترقون يعني كأن الذنوب دي ايه نار يعني في واحد مولع ماشي مولع نذرة حرام وكلمة حرام وسمعت حاجة حرام واتكلمت على واحدة وطول ما هو ماشي - [00:20:48](#)

عمل بيحقد على حد وبيحسد حد طول ما هو ماشي ايه كم نظرة لحرام؟ وكام كلمة حرام؟ وكم خطوة لحرام؟ وكم لمسة للحرام؟ طول ما هو ماشي عمال كانه بيعمل ايه - [00:21:13](#)

بيولع يعني كأن انت شايف واحد ماشي في الشارع كده الناس والعلة بتطلع نار دي الزنوب تحترقون دخل صلى الظهر كأن النار دي كده راحت نازل عليها ايه؟ شلال مائة راحت - [00:21:26](#)

طفى النار دي. خرج من المسجد بدأ يرجع المعاصي تاني. بدأ على ما جه وقت العصر مولع. يدخل يصلي العصر غسلت يخرج من العصر نار المغرب متخيل متخيل المشهد! طب بس عايزك تتخيل واحد ما بيصليش - [00:21:42](#)

ما بيصليش خالص. ده بص نار بس فعلا. ده ماشي مولع وبينام مولع ويصحى مولع متخيل حجم الصلاة؟ النبي عليه الصلاة والسلام قال ارايتم لو ان نهرا باب احكم يغتسل فيه كل يوم خمس مرات - [00:22:04](#)

انت يا راجل مسلا من اسرياء الزقازيق والبيت بتاعك على البحر على طول وعارف ان انتم عندكم هنا بحر ما شاء الله اللهم بارك يعني. مش عايزين نحسد الزقازيق فبيتك على البحر على طول. ماشي؟ مش هنقول ان هي ترعة يعني - [00:22:22](#)

فبيتك على البحر على طول فانت ايه بتصحى كده من النوم البلكونة بتاعتك ممكن تعمل استارت وتنزل ايه في البحر على طول. مم فهو بيفتح الباب وينزل ايه يغتسل ويعوم في البحر ده خمس مرات كل يوم - [00:22:38](#)

هل هل يتصور ان الانسان ده هيبقى من درنه؟ يعني الوسخ هيبقى عليه جسمه مش هيبقى نضيف هيبقى فل بيسبح في البحر خمس مرات بينزل يعوم خمس مرات في البحر. ده انت اصلا بتنزل البحر شوية بتلاقي صوابك باشت - [00:22:53](#)

فهيبقى نضيف صح فالصحابه قالوا لا يبقى من درنه شيء. قال فذلك مثل الصلوات الخمس يمحو الله بهن الخطايا طب اللي ما

بيصليش ما بيصليش ليه؟ ما عندوش ذنوب ما عندوش ذنوب؟ امين - [00:23:14](#)

مش محتاج مش محتاج المغفرة فيا جماعة الموضوع الموضوع فعلا احنا مقصرين جدا في موضوع الصلاة والكلام عن الصلاة وان

احنا ننصح الناس اللي حوالينا كثير من الناس حوالينا ما بتصليش ما يعرفوش الكلام ده ما يعرفش - [00:23:33](#)

حجم الصلاة في الشرع حجم ترك الصلاة. ابن مسعود يقول ايه؟ قال ولقد رأيتنا وما يتخلف عنها الا منافق معلوم النفاق بيتخلف عن

ايه عن صلاة الجماعة مش اللي ما بيصليش لا ابن مسعود رضي الله عنه يقول احنا في ايماننا ايام الصحابة اللي ما كانش بيحي

يصلي جماعة كنا بنقول ده ايه - [00:23:46](#)

ده منافق منافق معلوم النفاق فلان ما بيصليش جماعة احنا ما بنتكلمش في انه ما بيصليش خالص فده ما بيحيش يصلي معنا يا

جماعة في المسجد ولقد رأيتنا وما يتخلف عنها يعني ما كان فيه ما كانش فيه حد من الصحابة بيتخلف عن صلاة الجماعة الا مين -

[00:24:09](#)

الا منافق معلوم النفاق قال ولقد كان الرجل اسمع بقى يؤتى به يهادى بين الرجلين حتى يقام في الصف. عارف يعني ايه هذا يعني

واحد جايبيته كده ايه سندن كده وواقف في الصف متسند على الاثنين على اليمين وعلى الشمال يهادى بين الرجلين حتى يقام في

الصف - [00:24:28](#)

مش عارف اقول ايه الله المستعان. في اول اول خطورة الانسان يترك صلاة الفجر او ترك الصلاة في المسجد هي علامة من علامات

النفاق علامة من علامات النفاق. قال ليس صلاة اثقل على المنافقين من الفجر والعشاء - [00:24:53](#)

فاحنا عايزين الصلاة دي تبقى خفيفة علينا خفيفة عليك. آآ تاني حاجة الانسان اللي ما بيصليش وخاصة صلاة الفجر الشيطان

بيتسلط عليه. يعني ايه يتسلط عليه؟ يتحكم فيه يتمكن منه - [00:25:15](#)

تخيل كده انسان الشيطان تمكن منه ده هيعمل ايه اكيد مش هيبقى من العشرة المبشرين بالجنة ده هم اه العشرة خلصوا اصلا خلاص

مش هيبقى العاشر يعني فاكيد هيعمل زنوب اكيد هيبقى ماشي بيتخطب. الشيطان بيقول له شمال شمال. شمال برضه شمال -

[00:25:33](#)

الشيطان ما عندوش يمين النبي عليه الصلاة والسلام صلوا على النبي عليه الصلاة والسلام. حديث عبدالله آآ ابن مسعود رضي الله

عنه قال حديث في البخاري ذكر عند النبي صلى الله عليه وسلم رجل فقيل - [00:25:54](#)

ما زال نائما حتى اصبحت ما قام الى الصلاة عايز اتخيل ان الصحابة رايعين يقولوا النبي فيه واحد نام وما صحاش يصلي الفجر

متخيل ده حدس واحد نام ذكره رجل النبي عليه الصلاة والسلام ده نام فلان ده نام - [00:26:09](#)

وراحت عليه ان هو ما بيصلاش الفجر فقال النبي صلى الله عليه وسلم ده مش راحت عليه نومة يعني هو ترك الصلاة يعني قال ذاك

رجل بال الشيطان في اذنيه - [00:26:33](#)

ذاك رجل بال الشيطان في اذنيه. حديث في البخاري فبال الشيطان في اذنه قال في فتح الباري بقى اه شرح صحيح البخاري قال

واختلفا في بول الشيطان. ابن حجر كاتب الكلام ده. قال ثقيل هو على حقيقته - [00:26:46](#)

يعني هو فعلا الشيطان بال في اذنيه الراجل ده اللي نام عن الصلاة ده ودانه بقت ايه اعزكم الله بقت مبوله للشيطان فقال هو على

على حقيقته قال القرطبي وغيره لا مانع من ذلك لا مانع ان الامر يبقى ايه - [00:27:02](#)

آآ على حقيقته اذ لا احالة فيه. يعني الامر مش محال يعني. لانه ثبت ان الشيطان يأكل ويشرب وينكح فلا مانع من ان يبول ماشي

وقيل هو كناية اسمع بقى عن سد الشيطان اذن الذي ينام عن الصلاة حتى لا يسمع الذكر - [00:27:23](#)

ماشى؟ ببسد وزنه ببسد اذن الانسان ده حتى ايه لا يسمع الذكر وقيل معناه ان الشيطان ملأ سمعه بالاباطيل فحجب سمعه عن الذكر

ودانه اتملت بايه؟ بالباطل. سمع بقى الحرام والالغاني والغيبة والنميمة والشتائم والسب ودانه ايه؟ اتملت - [00:27:45](#)

اباطيل فاتحجبت عن سماع الذكر وقيل هو كناية عن ازدراء الشيطان به. تخيل الشيطان بيحتقر اللي بينام عن صلاة الفجر الشيطان

بيحتقره. شايفه حاجة كده ايه آآ ما لوش قيمة ما لوش لازمة - [00:28:10](#)

وقيل معناه ان الشيطان استولى عليه واستخف به حتى اتخذه كالكنيف اعزكم الله المعد للبول اذ من عادة المستخف المستخف بالشيء ان يبول عليه الانسان لما بيستخف بشيء بايه - [00:28:30](#)

بيبول عليه عادي ما فيش مشكلة يعني تخيل الشيطان والعياز بالله ربنا يعافينا اعزكم الله يتخز ان الانسان ده زي ايه زي الكنيف. عارف الكنيف غني عن التعريف ما شاء الله. وقيل هو مثل مضروب للغافل عن القيام. هو مثل مضروب للغافل عن القيام - [00:28:48](#) بثقل النوم كمن وقع البول في اذنه فتقل او فتقل اذنه وافسد حسه فشوفوا يا جماعة ده رجل نام لحد ما الشمس طلعت ده الشيطان بال في اذنيه ذاك رجل بال الشيطان في اذنيه. الشيطان اللي لما يتمكن من الانسان ده - [00:29:11](#)

هو طول اليوم هيتحكم فيك. يا جماعة احنا كل ليلة في معركة مع الشيطان كل ليلة يعني الشيطان حريص ان انت ما تصليش الفجر. حريص ان انت تضعي صلاة الفجر. عشان يتمكن منك بقية اليوم. هو اللي بيصلي الفجر - [00:29:35](#) مش في حفز ربنا سبحانه وتعالى مش النبي عليه الصلاة والسلام صلوا على النبي. صلى الله عليه وسلم مش النبي عليه الصلاة والسلام قال من صلى الصبح فايه فهو في ذمة الله. يعني ايه في ذمة الله - [00:29:52](#)

في حفظ الله وفي معية الله عليكم السلام ورحمة الله وبركاته فتخيل الانسان اللي ترك صلاة الفجر ترك صلاة الفجر هو الانسان ده فقد ايه فقد الحفز الخاص باهل ايه - [00:30:05](#)

باهل صلاة الفجر صححوا معنا شوية يا اخوانا فالشيطان هيتمكن منه. يعني فرق بين اللي ما شاء الله اه صحي من بدري وصلّى قيام ليل قبل الفجر وقعد يستغفر كده في السحر ونزل - [00:30:22](#)

الفجر في المسجد وقعد قال الذاكر وقرأ ويرد القرآن. اليوم بتاع ده بالله عليك هيبقى عامل ازاى مليون بركة وطاعة هتلاقي المعصية فيه قليلة جدا آآ الثاني اللي راحت عليه نومة او ما صلاش الفجر او ترك صلاة الفجر الشيطان تمكن منه - [00:30:36](#) فتلاقيه ماشي طول اليوم ايه بتخبط. ماشي؟ فقلنا يا جماعة ان في كل ليلة خد بالك ان انت وانت داخل تنام كل ليلة الشيطان ما بيزهقش ومش ناسيك. ده انت انت اصلا ايه القضية بتاعته - [00:30:55](#)

انت الشغل الشاغل بتاعه. فهو كل اللي عايز يعمل معك ايه ينيمك عن صلاة الفجر وعن قيام الليل كل ليلة فتخيل كم ليلة وكم مسلم بيطاوع الشيطان؟ بيستسلم يقول له نام عليك ليل طويل يقول له ايه؟ حاضر عندك حق فعلا - [00:31:10](#) انا مرهق جزاك الله خيرا النبي عليه الصلاة والسلام قال يعقد الشيطان على قافية رأس احدكم ثلاث عقد اذا هو نام بس انا عارف ان انت حافظ الحديث. بس عايزك بس تتخيل وانت داخل تنام النهاردة بالليل ان الشيطان اول ما انت حطيت تحت البطانية راح جاي لك - [00:31:30](#)

تعال قعد ايه يعمل العقد بتاعته على قافلة رأس احدكم ثلاث عقد بيسحر لك يعقد على او ينفث على كل واحدة ويقول عليك ليل طويل ايه فاركض نام يا راجل ده انت تعبان ده انت وراك آآ انت شقيانة طول اليوم. قاعدة مقضياها فيسبوك ومسلّسات ويعني شقيانة - [00:31:54](#)

يا عيني نامي نامي عليك ليل طويل فاركض. فييجي يقوم الفجر يسمع كده المنبه لو يعني ربنا اراد به خير وزبط منبه ولا حاجة ولا خلى حد يصحيه او فيه حد في البيت بيصحيه لان احنا عندنا ازمة - [00:32:20](#) في البيوت ان تيجي مسلا ايه تقول ام مسلا ما بتصحيش ابنك تصلي الفجر يصلي الفجر ليه؟ صعبان علي. بيصعب علي نايم تعبان. يا حبيبة قلبي. طب وبالنسبة للمدرسة مستقبله - [00:32:36](#)

آآ يعني قوم بطل دلّع. الساعة سبعة الصبح لو قال لها لو نفس قال لها انا تعبان ومش قادر بالشبشب صح؟ فهي يا جماعة ده ده بيوت كثير يعني بيوتنا كلها كده - [00:32:55](#)

ان انت مش البيت اصلا مش معزم الفجر يعني البيت مش كل بيت بيصحى يصلي الفجر. ده فيه بيوت بالشهور وشهور وسنين ما حدش بيصحى الفجر. غير اللهم بقى ايه في ايه - [00:33:09](#)

رمضان بقى احنا اصلا كده كده سهرانيين وكل سنة وانت طيب ورمضان وقاعدين بنتسحر ويلا يا حمادة انزل صلي الفجر في الجامع وكده وخلص على كده وبعد رمضان البيت بيرجع - [00:33:22](#)

العادة لو سهرانيين في الصيف شوية اه هنصلي ما فيش مشكلة لكن لكن ان البيت يعزم وقت الصلاة ده قليل جدا قليل جدا انت تستفيد من ده ايه؟ ان شاء الله لما ربنا يكرمك وتتجوز ربنا يا رب يجوزنا جميعا. آآ فيا جماعة ان احنا نربي عيالنا ان احنا نعزم -

[00:33:32](#)

ان الصلاة معظمة عن عن الجامعة عن المدرسة عن اي حاجة انت ممكن تفوت الصلاة عادي لكن ما تفوتش المحاضرة بتاعة الصبح اللي فيها غياب. او يفوت المدرسة. هتحصل مصيبة في البيت - [00:33:57](#)

ماشي؟ قال يعقد الشيطان على قافية رأس احدكم ثلاث عقد اذا هو نام عليك ليل طويل فاركض نام فاذا قام يجي ساعة الفجر يقوم الشيطان يبتيدي تحس لو انت مركز كده ساعة الفجر هتحمس ان في حوار في حوار بينك وبين - [00:34:11](#)

بيكلمك يقول لك نام يا عم ايه انت مجنون؟ انت رايح فين؟ يا ابني انت مجنون هتقوم تتوضى بمية ساعة. آآ وتسبب الدفا ده خمس دقائق خمس ربح خمس دقائق اعمل سنوس بس - [00:34:33](#)

وكلنا عارفين بتاع الفجر الخمس دقائق ده بتصحى تلاقي تسعة الصبح عشرة الصبح خمس دقائق بس كم واحد نام خمس دقائق وقام مركز في الصلاة ويبتيدي يحاورك اه واروح على الاقامة - [00:34:48](#)

ماشي؟ تحس ان الشيطان فعلا انت قمت تحس ان انت غلبت منه حته يقعد يحاول معك. اتوضيت خلاص بدأ يضعف اتوضيت وزكاء يعني انت النبي عليه الصلاة والسلام كان اول لما بيصحى بيعمل ايه - [00:35:06](#)

قال يمسح اثر النوم عن وجهه صلى الله عليه وسلم ثم يقول الحمد لله الذي احيانا بعد ما اماتنا واليه النشور ذكر تذكرو ربنا سبحانه وتعالى فالشيطان لما بتذكر ربنا بيندفع بيخلص تستعيز بالله من الشيطان الرجيم وتذكر ربنا بيمشي تقوم تتوضى - [00:35:24](#)

وتدعي الدعاء بعد الوضوء اه هتلاقي نفسك خلاص انت خطوة هتصلي خلاص. يعني اللي قام وشال البطانية ونزل من على السرير وراح اتوضأ ده خلاص ان شاء الله ايه؟ مش هينام تاني بازن الله هيصلي - [00:35:49](#)

وفك العقد. قال فاذا توضحأ انحلت عقدة فاذا صلى انحلت ايه عقده. طب العقد دي لما اتحلت الانسان ده كان مربوط. كان ساحر لك. فبقيت ايه اصبح نشيطا خفيف طيب النفس. في رواية قد اصاب خيرا - [00:36:01](#)

بتلاقيه طول اليوم نشيط على الطاعة حاسس راحة سكيئة والا والا اصبح ايه خبيث النفس كسلان الخبيث النفس تنافسه تبقى خبيثة طول اليوم. العياز بالله تتلاقيه صاحي كده مش طابق نفسه ومقفول وقاعد احنا بنتكلم على ايه اللي داق - [00:36:25](#)

الفجر اللي داق حلاوة صلاة الفجر في وقتها وبعدين ايه ما عادش بيصلي. فيحس بدي لكن في واحد وهو اصلا ايه ممكن ما بيصليش الفجر بقى له سنة وصاحي منشرح - [00:36:52](#)

عادي هو مزاجه حلو وصباح الفل يا جماعة واخباركم ايه؟ وعاملين فطار ايه النهاردة؟ وصاحي سعيد جدا في قمة السعادة. ويصبح على صاحبه في التليفون الصبح وعاملة ايه وهتفتري ايه ومش عارف ومزاجه فل مش حاسس باي حاجة خالص - [00:37:02](#)

مش حاسس باي نوع من انواع الالم ان هو عمل كبيرة من اعزم الكبائر من اعظم الكبائر يعني العلماء اعدوا ان تارك صلاة الفجر او ترك الصلاة بدون عذر لما وقتها يخرج اكبر من ايه - [00:37:16](#)

اكبر من السرقة وشرب الخمر والزنا متخيل؟ يعني متخيل حجم الموضوع ان واحد بس يسيب صلاة واحدة بس. لحد ما وقتها يخرج بدون عذر. ده من اكبر الكبائر قال ابن عباس هو جمع والجمع بين صلاتين بغير عذر هذا من اكبر الكبائر - [00:37:31](#)

فقال فاصبح خبيث النفس كسلان كسل عن العباد. حس ان ايه يجي بعد كده بقى عايز يقول ازكار ازكار ايه يا عم؟ ثقيلة عليه القرآن ثقيل عليه يغض البصر ثقيل عليه - [00:37:54](#)

دايما قاعد واحدة تعدي يبص يتكلموا قدامها في حاجة تتكلم معهم. لا عارف يأمر بالمعروف ولا ينهى عن منكر. الصلاة الى كل العبادات بقت اصبح خبيث النفس ايه؟ كسلان عن ايه - [00:38:11](#)

عن العبادة عن الطاعة عن الخير ماشي فقلنا ان ثاني عقوبة من عقوبات تارك صلاة الفجر ان الشيطان يتسلط على الانسان ده. قال
ذاك رجل ايه؟ بال الشيطان في اذنيه - [00:38:26](#)

تالت حاجة ان يا جماعة ترك صلاة الفجر من اسباب عذاب القبر اعاذنا الله واياكم يا رب من عذاب القبر اللهم اجرنا من عذاب القبر اه
حديث ده حديث طويل - [00:38:42](#)

في البخاري وحديث مربع بصراحة اه قال حدثنا سمرة ابن ابن جندب رضي الله عنه قال كان رسول الله صلى الله عليه وسلم
اما يكثر ان يقول لاصحابه هل رأى احد منكم من رؤيا؟ قال فيقص عليه من شاء - [00:38:59](#)
الله ان يقص وانه قال ذات غداة مرة كده الصبح النبي قال لهم انه اتاني الليلة اتيا انه اتاني الليلة اتين وانهما ابتعثاني يعني ايقظان
وانه ما قال لي انطلق. واني انطلقت معهما - [00:39:18](#)

وانا اتينا على رجل مضطجع. النبي عليه الصلاة والسلام شاف في الرؤيا واحد نايم واقف جنب الرجل ده وواحد واقف جنبه ماسك
صخرة كده كبيرة يرفع الصخرة فوق وينزل يدغدغ دماغ الرجل ده. فيلاقي الصخرة بتنحدر كده بتتدحرج - [00:39:38](#)
فيروح عشان يجيبها يرجع يلاقي دماغ الرجل رجعت سليمة ثاني فيقوم ماسك الصخرة ورافعها ويقوم نازل على دماغه مكسر له
دماغه الصخرة تتدحرج يروح يجيبها يرجع يلاقي دماغه رجعت سليمة ثاني - [00:40:00](#)

الوضع ده ايه مستمر الى ما شاء الله فالنبي عليه الصلاة والسلام فزع لما شاف المنزر ده منزر مفزع تخيل كده تخيل واحد نايم واحد
يروح جايب حجر وراح نازل على دماغه وهو نايم - [00:40:16](#)

متخيل تخيل كده ثلاثين سانية ان انت نايم كده وحد مسك صخرة وراح نازل بها على دماغك موضوع مؤلم جدا. فلما الموضوع ده
ايه يتكرر دماغي ترجع سليمة ثاني وبعدين يقوم جاي ايه ده - [00:40:34](#)
صعب جدا. فالنبي عليه الصلاة والسلام فزع لما شاف الامر ده فسألهم فقال ما هذا قلت لهم وسبحان الله ما هذا؟ ما هذا؟ قال قال
لي انطلق. حديث طويل بقى - [00:40:50](#)

بطوله ممكن ترجعوا لحديث؟ قال قلت لهما في اخر الحديث آآ فاني قد رأيت منذ الليلة الليلة عجباً فما هذا الذي رأيت؟ النبي عليه
الصلاة والسلام شاف صور كثير من العذاب - [00:41:04](#)

قال صلى الله عليه وسلم قال لي اما انا سنخبرك اما الرجل الاول اما الرجل الاول الذي اتيت عليه يثلغ رأسه بالحجر يعني يهشم
رأسه بحجر يعني فانه الرجل يأخذ القرآن فيرفضه - [00:41:19](#)

وينام عن الصلاة المكتوبة. فانه الرجل يعمل ايه يأخذ القرآن فيرفضه. يعني ايه يأخذ القرآن فيرفضه يعني ايه ياخذ جزء من القرآن
وجزء جزاكم الله خيرا ربنا سبحانه وتعالى قال افتؤمنون ببعض الكتاب - [00:41:41](#)

وتكفرون ببعض هو تلاقية مؤمن جاي في آيات في القرآن بتتكلم عن عن الوضوء فتلاقية ايه بيتوضا آيات عن الصلاة بيصلي آيات
عن الحج بيحج لكن آيات عن الربا لا تلاقية بيتعامل بالربا - [00:42:05](#)

واحد بيحكى لي آآ سمعت سمعت الشيخ في درس من دروس يقول ايه؟ واحد جاي يقول له ان هو بيتكلم بينصح واحد قريبه في
الربا فقال له انا بحب الربا - [00:42:20](#)

انا بحب الربا قال له يا عم ما لكش دعوة انا باحب الرتم فتلاقي واحدة مؤمنة بالصلاة ومؤمنة بالاخلاق ومؤمنة لكن تقول لك ايه لا انا
مش هتحب فيؤمن ببعض الكتاب - [00:42:33](#)

ويكفر ببعض يرد آيات يرد الاحكام. ده الرجل الرجل فانه الرجل يأخذ القرآن فيرفضه. اما ان هو يعلم الآيات ولا
يعمل بها او ان هو يرد ايه - [00:42:47](#)

يرد اوامر ربنا سبحانه وتعالى يؤمن ببعض الكتاب ويكفر ببعض قال وينام عن الصلاة المكتوبة ما هو بالمناسبة اللي بينام على الصلاة
المكتوبة ده بيعمل ايه يأخذ القرآن ويرفضه لان ربنا سبحانه وتعالى امرنا في القرآن ان احنا - [00:43:02](#)

نقيم الصلاة ونحافظ على الصلاة في وقتها. صح ولا غلط؟ فالانسان اللي بينام عن الصلاة المكتوبة كانه يقول ايه؟ انا برفض القرآن انا

مش مؤمن بالايات دي او مش معنى مش مهم انا ما بنفزه اش - [00:43:22](#)

فيرد القرآن. يرد الايات. ينال عن الصلاة المكتوبة الانسان ده يعذب في القبر نسال الله العافية بالطريقة دي ييجي ملك يمك صخرة ينزل على دماغه الصخرة تتدحرج ترجع دماغه سليمة يفضل كده يعذب في القبر الى ما شاء الله - [00:43:39](#)

فامر مفزع والله امر مفزع عشان العذاب يجدد ليه؟ زي قول آآ قول ربنا سبحانه وتعالى كلما ايه؟ اضجت نضجت جلودهم بدل لهم جلودا غيرها ايه ايه؟ ليزوقوا. ليزوقوا عشان اه يعذب - [00:43:58](#)

نسال الله العافية يا رب. عشان كده النبي عليه الصلاة والسلام كان آآ يستعيز في كل صلاة اللهم اني اعوذ بك من عذاب جهنم ومن عذاب القبر واعوذ بك من فتنة المحيا ومن شر فتنة المحيا وشر فتنة الممات واعوذ بك من فتنة المسيح الدجال - [00:44:18](#)

اه اه خلينا خلينا نفرق بين حاجتين فرق بين ان انا اه اه بحاول ان انا اجتهد ان انا انفر اوامر ربنا سبحانه وتعالى. قال تعالى فاتقوا الله ايه ما استطعتم انا بحاول ان انا اجتهد وبقوم وبقع وفي حاجات انا مقصر فيها وانا عارف وانا ندمان ونفسي ان انا آآ اعملها لكن

في فرق بين ده وبين - [00:44:37](#)

اللي ايه اللي اصلا بيرد الكلام ده. يعني في يا جماعة ناس بتترد احكام ربنا. بيرد شرع ربنا. هو متعمد ده هو رفض القرآن يرفضه

يرفض ان هو يعمل بالقرآن يقول لك لا انا مش هعمل بده - [00:44:59](#)

هو ربنا حرم الخمر. تلاقيه هو مصر على شرب الخمر مصر عليها مصر على تقول له يا عم الحشيش حرام حشيش زي الخمر يقول لك

لا الحشيش مش حرام. فتلاقي الناس بتجادل - [00:45:15](#)

بدون علم في دين ربنا سبحانه وتعالى نسال الله العافية يا رب رابع حاجة ان ترك الصلاة الفجر او ترك الصلاة عموما سبب في الانسان

يعذب في الاخرة. قال تعالى فويل للمصلين - [00:45:33](#)

الذين هم عن صلاتهم ساهون. فويل لمين؟ مصلين. ويل ايه؟ ويل ده؟ ويل. ويل وادي في جهنم. لو ارسل فيه جبل لصار ايه؟ لذاب

يزوب فيه الجبال. متخيل! الوادي ده لمين - [00:45:49](#)

للمصلين يعني ناس بتصلي بس بيعملوا ايه؟ الذين هم عن صلاتهم ايه؟ ساهون. يعني ايه ساهون؟ يعني يؤخرون الصلاة عن وقتها

بغير عذر. آآ قعدة اتفرج على المسلسل صلي يا بنتي اه صلي اهو - [00:46:09](#)

قاعد بيسمع اغاني ولا بيتفرج على فيلم ولا بيتفرج على ماتش يؤخر الصلاة عن وقتها واحب الاعمال الى الله الصلاة على اول وقتها

احب عمل لربنا سبحانه وتعالى. يعني لو انت بتحب ربنا ونفسك ربنا يرضى عنك ونفسك تدخل الجنة تعمل ايه - [00:46:30](#)

صلي صلي الصلاة من اعظم القربات الى الله سبحانه وتعالى من اركان الاسلام فسطاط الدين العمود اللي شايلا اصلا اسلام تارك

الصلاة يعذب في الاخرة يعذب في الاخرة في مشيئة الله. يعتبر عامل كبيرة من اكبر الكبائر. ده بعض العلماء عد ان ترك الصلاة آآ عمدا

كفر - [00:46:46](#)

قول النبي صلى الله عليه وسلم العهد الذي بيننا وبينهم ايه؟ الصلاة فمن تركها فقد كفر. وكان اصحاب النبي صلى الله عليه وسلم لا

يرون آآ شيئا تركه كفر الا الصلاة - [00:47:12](#)

وقال صلى الله عليه وسلم ولا تترك صلاة مكتوبة متعمدا فمن تركها متعمدا فقد برئت منه الذمة واحد يقول لك طيب اللي سايب

الصلاة مكسل تكاسلا عن الصلاة ده ايه - [00:47:30](#)

بعض العلماء قال ان ده يكفر وبعض العلماء قال هو كفر دون الكفر. هو ايه في مرتبة؟ هو فاسق. يقول لك الحمد لله. فاسق الحمد لله

هو فاسق ده يعني آآ لقب يعني وسام يعني على صدرك يعني انت فاسق بس مش كده - [00:47:49](#)

اه مش كافر فاسق ده يعني ايه يعني خارج عن صراع ربنا سبحانه وتعالى. يقول لك فسخت ايه التمرة؟ لما تخرج كده من القشرة

بتاعتها يبقى ده يقول لك انسان فاسق. فاسق يعني ايه - [00:48:11](#)

يعني ربنا بيقول له اعمل كذا هو خرج عن الشرع. يعني لو الشرع دايرة كده الانسان الفاسق ده ايه ده بيخرج عنها فهو لسه له تكة

وايه ويطلع برة خالص - [00:48:25](#)

يعني الفاسق ده على وشك ان هو يكفر والعياذ بالله فالانسان يحزر ان ترك الصلاة مش حاجة عادية يا جماعة تارك الصلاة ما فيش حاجة عليها الانسان يتهاون فيها والنبي عليه الصلاة والسلام قال لنا الكلام ده رحمة بنا - [00:48:38](#)

يعني هل لما انت آآ عشان بس الكلام ينضب؟ هل لما انت بتصلي ربنا سبحانه وتعالى هينتفع من وراء الصلاة دي سبحانه وتعالى لا طبعاً انت اللي بتستفيد. الصلاة دي صلة انت اللي انت اللي بتصل الله سبحانه وتعالى. تقول الله اكبر. العبد ينصب وجهه الله سبحانه وتعالى ينصب - [00:48:52](#)

وجهه في وجه العبد بتصل لربنا الصلاة يعني جاية من الصلة صلة بينك وبين ربنا سبحانه وتعالى. فانت اللي بتدعي قال كلا لا تطعه واسجد واقترب كل سجدة بترفعك درجة - [00:49:13](#)

تقترب من ربنا سبحانه وتعالى اقرب ما يكون العبد من ربه وهو ايه؟ وهو ساجد فاكثر من الدعاء فانت اللي محتاج الصلاة انت اللي محتاج الصلاة. ربنا غني عنه سبحانه وتعالى. ان احسنتم احسنتم لانفسكم. يعني لما بتصحى تصلي الفجر وتقوم انت اللي هستفيد - [00:49:28](#)

عشان ما تحسش ان الموضوع ايه؟ لا هو انا يعني يعني ايه يعني لو ما صليتش ابقى انا يعني كافر وهو تهديد ولا ايه؟ طب مش انت اصلاً اللي محتاجها - [00:49:48](#)

انت اللي محتاجها تليك انت مصلحتك انت دي فالانسان يحصر على الصلاة خاصة صلاة الفجر آآ خامس حاجة ان تارك صلاة الفجر ده نموذج عملي لتقديم الدنيا على الآخرة ده يعني ليه - [00:49:57](#)

هنضرب امتي مسلاً فجر الساعة كم وصلنا خمسة وتلت كده خمسة ونص. ماشي آآ لو انت آآ الناس اللي ما بتصالحش تصلي الفجر لو عندك طيارة الساعة خمسة الصبح هتفوتك - [00:50:18](#)

لو مسافر آآ الهولولو مش عارف يقولوا له. لو مسافر هناك ماشي وعندك طيارة الساعة خمسة الصبح هتعمل ايه؟ هتصحى. هتصحى بدري وتروح المطار بدري لان انت عارف. بلاش يا عم بلاش طيارة. لو ورايا يا عم رحلة للهبي لاند رايح رحلة - [00:50:35](#)

دريم بارك احنا عندنا الهايبلاند في رحلة المدرسة بيعودون لها بيلاند ننزل بقى في حمام الكور وبتاع وايله شغل تاخذ الفيس بقى معكم كده يعني فلو انت رايح رحلة وتاني يوم بقى متحمس بقى للرحلة وطالع بقى وكده - [00:51:00](#)

وماما مجهزة لك السندوتشات وواحد معك المنشور. اه اللانش بوكس وانت طالع رحلة وكده. هتنام متحمس بقى ورايح ورحلة وبتاع فالشاهد ايه ان انت لو في حاجة انت معزمها هتصحى - [00:51:19](#)

يعني لو قال لك مسلاً اه مين؟ في اي معرض مسلاً بتاع اه في ماتش قبل كده؟ اه ماتشات الاهلي كأس العالم للاندية كانت الماتشات الساعة ستة الصبح ولا الساعة اربعة ولا الساعة خمسة الناس بتصحى. المشكلة مش المشكلة مش في الصحيا او في قدرتك على الصحيان - [00:51:37](#)

المشكلة فين؟ قال تعالى ذلك ومن يعظم شعائر الله فانها من تقوى القلوب. المشكلة ان احنا مش معزمين الصلاة في قلوبنا احنا معزمين الجامعة معزمين الشغل معزمين محاضرة. وصدق الله سبحانه وتعالى بل تؤثر الحياة الدنيا والآخرة ايه؟ خير -

[00:51:57](#)

فلما تنزل الشارع الساعة خمسة الصبح تنزل كده هتلاقي الشارع فاضي الدنيا ضلعة تدخل كده المسجد لما ربنا يكرمك هتلاقي ايه صف كده كبار السن نازلين عارفين العبايات اللي هي بتتلبس فوق العباية اللي هي ايه؟ اه ولا بس ايه بتاع البيجامة - [00:52:17](#)

والايس كاب وآآ اه. ما هو ماشي يا عم. ماشي. وايله آآ والكوفية ونازل بقى ايه واقف في الصف واللي جايب كرسي وراه تبص بقى على الشباب ما فيش فالانسان يأسف - [00:52:37](#)

عدي بس ساعتين وانت خارج بس لو انت قعدت للشروق. هتلاقي اوف عجل وعربيات وموتوسيكلات وعيال وام بقى نازلة بعياها. واللي راجل نازل رايح الشغل وموظف وموظفين وطلبة الشارع ايه - [00:53:02](#)

زحمة طب انت انت رايح فين؟ رايح اشتغل. استرزق يا راجل! طب انت مين اللي بيرزق؟ ربنا سبحانه وتعالى. طب ما تصليش

الفجر ليه؟ ما بتصحاش تصلي الفجر. يعني انت رايح تطلب الرزق - [00:53:17](#)

ورايحة مش عارف تتعلمي ولا تشتغلي ولا واصلا ما صليتش حسبة غلط خالص يعني حسبة بايظة يعني اي واحد هيفكر كده بس

مدة عشر ثواني بالعقل والمنطق كده طب اقدم ايه؟ ما حدش قال لك ما تروحش بس نام بدري - [00:53:36](#)

فعايز تشوف تقديم الدنيا على الآخرة انزل انزل بس موبايك كده واعمل وثق اقف كده على سطح البيت الساعة خمسة الصبح ماشي

الساعة خمسة ونص الساعة ستة الساعة ستة ونصف. الساعة سبعة الساعة سبعة ونص هتلاقي منتشرة في الشوارع - [00:53:57](#)

نتكلم عن بقى ازاى ان انا في في كم خطوة تمن خطوات؟ ازاى ان انا احافز على صلاة الفجر خطوات عملية للحفاز على صلاة ايه؟

الفجر ماشي؟ اول حاجة نرد على السؤال او هنرد عليه واحنا ماشيين في الكلام بازن الله. بسم الله والحمد لله والصلاة والسلام على

رسول الله صلى الله عليه وسلم. خطوات عملية للحفاز على صلاة الفجر - [00:54:19](#)

ورا ورا وسط الكل آآ طيب صلوا على النبي عليه الصلاة والسلام اول اول خطوة خالص قبل ما نتكلم في الخطوات العملية هي ايه؟ لا

غير النوم بدري هي النية والصدق - [00:54:43](#)

الصادق اللي شايل هم بيوفق للطاعة. اللي شايل هم الصلاة صلاة الفجر ربنا سبحانه وتعالى بيوفقه للطاعة. اللي نايم وهو ايه عارف

هصحي ما اصحاش كده مش شايل هم قوي. لو ما صحيتش ما فيش مشكلة - [00:55:03](#)

وكان نومه صدقة وكده ده لأ انا بتكلم على ايه ودي انت تعرفها في نفسك. هل انت فعلا هتموت وتصحى تصلي الفجر يعني خلاص

صادق في ده الصادق يوفق فاو نية الصدق - [00:55:23](#)

اول اول آآ سبب الصدق والخطوة الصدق ثاني خطوة دي مهمة جدا اترك السهر المحرم الشهر المحرم لا نعين. اما انسان يسهر في

معصية ماشي قاعد بقى ايه بيتفرج نزل مسلسلات بقى وقعد ايه واخذ آآ سيزون وان وسيزون تو سيزون سري ويخلص المسلسل

ويبعته لصاحبه هات لي مسلسل ثاني - [00:55:38](#)

واحد ايه مقضيها اه وهدخل انام الساعة ثلاثة لا هو اكيد يعني هو هو المسلسلات دي اصلا يعني تتقلوا عن الصلاة مسلا اسبوعين

ثلاثة يعني لما فيها من طبع لا يخفى عليكم من المشاهد الاباحية طيب صلوا على النبي عليه الصلاة والسلام. فقلنا اول اول حاجة -

[00:56:06](#)

الصدق ثاني حاجة ترك السهر المحرم. ان انت نام بدري. يعني معلىش تعالى على نفسك كده وما تسهرش صار محرم اما ان الانسان

يسهر على معصية او الانسان يسهر في لغو - [00:56:28](#)

فهو هو سهران وهو عارف ان ايه انا انا انا بضيع دلوقتي انا كده مش هصلي الفجر الفجر هيضيع وهو عارف ومستمر في السهر بس

القعدة قعدة الحظ ما تتعوضش وسهران لا ما هو انا انا انا بس خلينا نرتب الاولويات احنا عندنا اولوية - [00:56:41](#)

انما ايه قيمة ان انا اجيب امتياز في المادة وفي الآخر ما بصليش الفجر ادخل النار؟ هعمل انا ايه بقى بالامتياز اللي انا جبته ده؟ انا

استفدت ايه؟ انا ما استفدتش حاجة. فانا هرتب اولويات قبل اي - [00:56:58](#)

يعني انا برتب اولويات حياتي ومواعيدي وصحياني ونومي على صلاة الفجر ماشي؟ يعني انا آآ ما فيش مشكلة ان انا انضم معادن

معادن المذاكرة لو انا هنام بدري ساعتين الساعتين دول لو انا نمت الساعة اتناشر وانا عارف ان انا لو نمت الخمس ساعات او خمس

ساعات ونص دول هقدر اصحي. خلاص؟ يبقى الخمس ساعات ونص دول كويسين واصلي الفجر - [00:57:08](#)

بعد الفجر والمذاكرة بعد الفجر كلها بركة. امي كانت دايمًا بتقول لي كده بس يا ابني مذاكرة اللي بعد الفجر دي ماشي؟ انا قصدي ان

احنا يعني بلاش نتحجج بالمذاكرة - [00:57:30](#)

يعني احنا ماشي عندنا امتحانات ومضغوطين لكن في ترتيب اولويات في ترتيب اولويات اول ما يحاسب به العبد ايه الصلاة مش

هيقول لك جبت كم في الفارمة ولا جبت كم في الميكانيكا ثلاثة مش هيقول لك كده - [00:57:46](#)

هيقول لك تعال بتصلي بتصلي؟ اه بتصلي. بتصلي الصلاة في وقتها بتصلي في المسجد اخبار الخشوع ايه؟ اخبار الصلاة تامة ولا

مش تامة؟ طب هيسألك هتسأل فاذا صلحت صلح ايه - [00:58:01](#)

سائر العمل. واذا فسدت نساء الله العافية فسد سائر العمل فالول حاجة يحاسب عليها الصلاة. فانا هرتب اولويات. انا بالنسبة لي اول حاجة واهم حاجة ايه؟ ان انا هرتب اولويات يومي على الصلاة مش العكس. يعني في واحد بتكلمه - [00:58:18](#) بتقول له ايه؟ قابلني مسلا الساعة سبعة في واحد بيقول لك هيقابلك بعد صلاة المغرب اللي يقول لك هيقابلك بعد صلاة المغرب تعرف ان هو مرتب حياته على ايه على الصلاة - [00:58:34](#) آآ بيحط مواعيده على الصلاة يعني ما تلاقيهوش عامل ماتش كورة مسلا آآ المغرب الساعة كم خمسة ونص! خمسة وعشرة. خمسة وعشرة! ما تلاقوش مسلا بيلعب ماتش كورة الساعة كم؟ آآ لو قلنا خمسة وعشرة يعني العشاء ستة ونص. ما تلاقيهوش بيلعب ماتش كورة الساعة ستة مسلا - [00:58:46](#) ليه؟ لان ستة ستة ده واحد يقول لي ماتش الساعة ستة ستة لسبعة. ده كده وقت العشاء. طب انا هصلي العشاء يا ابني هفوت كده صلاة الجماعة. طب ما تصلها بعدين. لا انت صليها انت بعدين - [00:59:04](#) عايز تصلها انت بعدين صليها بعدين لكن احنا هنصليها في وقتها جماعة في المسجد فاهم؟ فده بيرتب اولويات حياته على ايه الصلاة مش العكس ماشي فقلنا تالت حاجة تترك السهر المحرم. كان عمر رضي الله عنه يزجر الناس. لما كان خليفة رضي الله عنه كان بيمشي بايه - [00:59:15](#) بالدرة العصاية بتاعته قائلا لهم يلاقيههم سهرانين كده يقول لهم اسمر اول الليل ونوم اخره؟ يعني انتم قاعدين دلوقتي تستمروا وتهزروا واللي قاعد على القهوة واللي قاعد في البلاي ستيشن واللي قاعد يتفرج على التلفزيون - [00:59:36](#) وتيجي اخر الليل وقت السحر وقت القيام وقت الدعاء والاستغفار كانوا قليلا من الليل ما يهجعون بالاسحار هم يستغفرون وانت فين؟ اه يستغفر بس وانا نايم بقى. شادد في النوم - [00:59:47](#) آآ اسمر اول الليل ونوم اخره تاني حاجة اتوضأ قبل ما تنام اتوضأ قبل ما تنام اه ودي نقطة مهمة ان كتير من الشباب كتير من الشباب للاسف بينام على غير طهارة - [01:00:03](#) على غير طهارة ممكن يقع في معصية يشاهد مسلا حاجة افلام اباحية يفعل عادة السيئة ولا يغتسل ولا يتوب وينام ده في خطر شديد يعني انا بقول للشباب اللي بيعمل كده - [01:00:19](#) آآ دي جرأة جرأة غير عادية ليه؟ لان وانت نايم الله سبحانه وتعالى يتوفى الانفس حين موتها والتي لم تمت في منامها فيمسك التي قضى عليها الموت ويرسل ايه الاخرى الى اجل مسمى. يعني انت وانت نايم انت روحك بتطلع فوق - [01:00:40](#) فالروح دي طالعة وهي مش على طهارة وطالعة وهي على معصية فتخيل لو الروح دي قبضت خلاص مش هتنزل تاني يوم عشان كده لما النبي عليه الصلاة والسلام لما كان بيصحى من النوم كان بيقول ايه؟ الحمد لله الذي ايه؟ احيانا بعد ما اماتنا واليه النشور. النشور يعني البعث - [01:01:01](#) لان الصحيان من النوم ده كانك ايه؟ بتبعث. كانك بتبعث من الموت موتى الصغرى ماشي؟ فالانسان يخاف ان هو ينام على معصية. الانسان اللي بينام على المعصية ده انسان جريء محتاج تراجع نفسك. راجع نفسك - [01:01:20](#) وقعت في الذنب ده اغتسل واغتسل غسل الجنابة وصلي ركعتين توبة وقبل ما تنام اذكر ربنا واستغفر وتب تنام على وتنام على طاعة. النبي عليه الصلاة والسلام قال حديس عبدالله بن ابن عمر - [01:01:38](#) رضي الله عنهما قال من بات طاهرا بات في شعاره ملك. فلم يستيقظ الا قال الملك اللهم اغفر لعبدك فلان فانه بات طاهرا حديس رواه بن حبان. بات في شعاره ملك يعني ايه في شعاره - [01:01:54](#) النبي عليه الصلاة والسلام قال الناس دثار والانصار ايه شعار يعني ايه شعار عارف عارف الفانلة الداخلية؟ مم دي ايه ده شعار الملابس الملاصقة للجسد والذثار اللي هي ايه الخارجي - [01:02:11](#) الخارجية ماشي؟ فالنبي عليه الصلاة والسلام عشان يعرفنا مكانة الانصار قال الناس دثار والانصار ايه شعار يعني كأنهم كناية عن قرب الانصار من ايه؟ من النبي عليه الصلاة والسلام. فهنا بيقول من بات طاهرا بات في شعاره - [01:02:34](#)

ما لك ماشي؟ فلم يستيقظ الا قال الملك الله الملك اللهم اغفر لعبدك فلان فقد ايه قد فانه بات طاهرا فانه بات طاهرا. تنام على وضوء على طهارة اه تالت حاجة حافظ على اذكار النوم - [01:02:53](#)

اذكار النوم يا جماعة مهمة جدا جدا قراية اه اخر ايتين من سورة البقرة. اه اية الكرسي المعوذات نعم؟ ماشي اه والاستغفار والتسبيح ثلاثة وتلاتين سبحان الله والحمد لله والله اكبر ثلاثة وتلاتين ثلاثة وتلاتين - [01:03:12](#)

آآ ده او الله اكبر اربعة وتلاتين الازكار اذكار النوم مهمة جدا. تحافز عليها. عندك كتاب حصن المسلم ممكن تنزل اي ابليكيشن بتاع الازكار وتقرأ اذكار النوم كل يوم قبل ما تنام - [01:03:32](#)

كان سمعت اه كلمة من شيخ كان بيحكي عن واحد بيقول انا قبل ما انام كل يوم بقعد امسك الموبايل وافتح فيس بوك وتويتير ومش عارف ايه بقيت قبل ما انام - [01:03:46](#)

بمسك المصحف احط المصحف جنب على الكمودينو جنب السرير اول لما انام اقوم فاتح المصحف اقرا ضهره بيقول بقيت بقرأ كل يوم قبل ما انام جزء لحد ما اروح في النوم - [01:03:57](#)

انت عارف انت قبل ما تنام طبعا ايه مرحلة هتشتغل وتقعده بقي ايه تقلب بقي ايه اسير الاحزان وتقعده تفتكر بقي زكرياتك واللي انت كنت بتحبها في تالته ابتدائي ادفع بقي كل الكلام ده وانشغل بالطاعة - [01:04:12](#)

انشغل بالذكر امسك سبحة في ايديك واقعد سبح استغفر خلي اخر عهد لك الطاعة عشان لو مت تبقى ايه تبقى سكتك سالكة كده ان شاء الله. ماشي؟ رابع حاجة لا تنم على معصية ودي تكلمنا فيها. ما تنامش على معصية - [01:04:32](#)

آآ خامس حاجة آآ هقراها لكم سريعا كده هي وصية الشيخ آآ ابو الشيخ علي طنطاوي طيب الشيخ بقي ايه الوصية بيقول ايه؟ افقر افقر وهي وصية والد الشيخ علي الطنطاوي له يوقظه بها كل يوم لصلاة الفجر. يقول الشيخ في كتاب - [01:04:51](#)

مع الناس الشيخ اديب اسلوبه رائع ان شاء الله في الكتابة. انصحكم بقراءة المقالات بتاعته يعني. وانا اعرض اصابعي الان ندما لاني لم اسمع هذه الوصية افقر افقر ولو اني سمعتها وعملت بها او لو انه اجبرني عليها - [01:05:10](#)

لا تغيرت حياتي ولما ولما فشلت في اعداد هذا الحديث. ولكن في دنياي وفي ديني خيرا مما انا عليه اليوم وانا الى الان كلما اردت ان اقوم في الصباح احس هذه الكلمة كلمة ابي تدوي في اذني. افقر افقر - [01:05:28](#)

قم الى الصلاة فالصلاة خير من النوم ثم اسمع صوت الشيطان يقول لي نم دقيقة اخرى فالوقت فسيح والفرش دافئ والجو بارد ولا ازال بين داعي الواجب يعني واجب الصلاة يعني وداعي اللذة لذة النوم - [01:05:46](#)

افكر في ثواب الصلاة فاتحفز القيام واتصور لذة المنام وبرد الماء فاسترخي واتقلب من جنب الى جنب. لا تزال ولا تزال نفسي بينهما كنواس الساعة زي ايه؟ العقرب بين قم قم قم. كده بندول السهم. اه ماشي. ثم تدركني رحمة الله فافقر او - [01:06:03](#)

تطلع الشمس وتفتوت الصلاة. يا اما هقوم يا اما الشمس ايه تطلع وتفتوتني الصلاة. شف بقي بيحكي اليوم هيبقى عامل ازاى لو انا ايه فاتتني الصلاة قال واقوم وقد مضى الوقت ودنى العمل فاكل طعامي لقمة بالطول ولقمة بالعرض ولقمة تعترض في صدري فاغص بها - [01:06:30](#)

وتقف في حلقة يعني والبس جوربا على الوجه وجوربا على القفا يلبس شراب على وشه وشراب على قفاه العقدة مائلة وازرر زر القميص الاول في العروة الثانية وانسى من من عجلات الساعة والنظارات ماشي قاعد بقي ايه - [01:06:49](#)

يخبط واهول في طريقي فاسيء هضمي واتعب معدتي معدتي واضحك الناس علي وكل ذلك لاني اطعت الشيطان لعنه الله فلم افقر قفزا الى صلاة الصبح اخر تلت اه نصايح آآ النصيحة الساتة اثار على عدوك - [01:07:10](#)

الشيطان اثار على عدوك يعني ايه يعني اليوم اللي الشيطان ينيملك ويضحك عليك تصحى تعمل ايه اجتهد في الطاعة ان الحسنات يذهبن السيئات لو عشت بالمبدأ ده ان الحسنات يذهبن السيئات. راحت عليك نومة هتصحى تقول ايه - [01:07:30](#)

خلاص انا صايم النهاردة هنوي الصيام هنقول صيام ينفع انوي الصيام لو انا ما نوتش قبل الفجر نعم. قال دل اعندنا طعام؟ قال لا. قال لا. قال فاني صائم. قالت لا فاني قال فاني صائم - [01:07:51](#)

فاني اذا صائم نعم والله المسألة فيها خلاف لكن اظن والله اعلم ان الامر عادي يعني. مش خرينا يعني نبس فيها ان شاء الله قال
انت صحت لقيت الشيطان غلبك رد بطاعة صدقة سر صيام آ نافلة آ أكثر من قل هسغفر النهاردة مسلا - [01:08:09](#)
الف مرة هصلي على النبي الف مرة اعمل عبادة انت مش متعود عليها. حاجة جديدة. قم صل الضحى طول في صلاة الضحى. آ
فاهمني؟ المهم ان انت ترد على الشيطان اللي هو غلبك في - [01:08:31](#)

تقوم قايم انت ايه تغلبه في عشر معك ماشي اثر من عدوك سابح حاجة تذكر ثواب آ صلاة الفجر دايم لما ترغب نفسك في العبادة
تقرأ احاديث وفضل الصلاة او ترهب من ترك الصلاة ده بيشحك على العبادة. اخر حاجة - [01:08:44](#)
حاجة حاول حاول ان انت تربط نفسك بمسئولية في صلاة الفجر. يعني ايه؟ يعني حاول انت تصحي الناس كلم اتنين ثلاثة انت
بتصحيهم. اعمل جروب لصحابك. ادخلوا صحوا بعض. البنات نفس الكلام. ماشي؟ آ لما تعود نفسك ان انت - [01:09:04](#)
تصحى وتصحي الناس لما انت هتروح عليك نومة هتلاقي حد بيكلمك بيصحيك. عايز يوجب معك بقى انت بتصحيه كل يوم.
ماشي؟ فالامر ده مهم جدا. فقلنا تمن اسباب اه ان شاء الله ربنا يجعل فيها كده ايه او تسع اسباب. اه للمحافزة على صلاة الفجر.
نعتز النهاردة على الاطالة - [01:09:24](#)

جزاكم الله خيرا سبحانك اللهم وبحمدك اشهد ان لا اله الا انت استغفرك واتوب اليك. ان شاء الله اه اه نرد بس على السؤال سريعا.
سؤال اللي انا انا واحد اجتهدت قدر الامكان ونمت بدري. بدري ده اللي هو انا عارف ان انا لو نمت في الوقت ده انا جسمي
مسلا بياخد ست ساعات او خمس ساعات - [01:09:44](#)
اقوم لو انا نمت بدري وخذت بالاسباب وزبطت منه وقلت لحد يصحيني ومع ذلك كل ده بعد عملت كل ده ايه؟ راحت علي نوم. ان
شاء الله لا حرج لا حرج اول لما يصحى يصلي - [01:10:04](#)

ماشي لكن مش معنى كده ان انا ايه قال تعالى بل الانسان على نفسه بصير. ان ممكن يكون فيه اسباب من حرمان التوفيق للطاعة ان
انا حرمت ليه ورمت ليه؟ ممكن يكون بسبب زنب زي ما قال الفضيل اذا لم تقوى على قيام الليل وصيام النهار فاعلم انك مكبول
كبتك الزنوب. قال - [01:10:23](#)

الحسن اناس يسألون الحسن يعني لما تتناقل عن العبادة؟ قال ثقلتكم الذنوب فلما الانسان يتناقل عن الصلاة او يحرم من القيام او
يحرم من خير راجع زنوبك. ممكن انت اتكلمت على حد ممكن اغتبت حد ممكن شتمت حد - [01:10:45](#)
ممكن عملت آ كنت اعاقب ابويا وامي دور كده فتش في اليوم فتش في اليوم بتاعه عليكم الصلاة فتش في اليوم بتاعك ممكن
يكون فيه سبب معصية هي اللي كانت سبب من حرمان التوفيق للطاعة دي - [01:11:02](#)
والله اعلم. جزاكم الله خيرا نكتفي بهذا القدر سبحانك اللهم وبحمدك اشهد ان لا اله الا انت استغفرك واتوب اليك - [01:11:17](#)